

BOSNA I HERCEGOVINA  
FEDERACIJA BOSNA I HERCEGOVINA  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
n/r gđa Mirjana Marinković - Lepić, predsjedavajuća  
DOM NARODA  
n/r g. Tomislav Martinović, predsjedavajući

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 12-04-2023			
Org. jed.	Broj	Priloga	Vrijednost
01-	02-	1253/	23

B

Na osnovu člana 179., a u vezi sa članom 163. i 172. Poslovnika Predstavničkog doma Parlamenta FBiH („Službene novine Federacije BiH, broj 69107, 2/OB i 26/20), zbog razmatranja i usvajanja po skraćenom postupku, podnosim Prijedlog zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama

**Obrazloženje prijedloga da se Prijedlog zakona o dopunama Zakona razmatra i donese po skraćenom postupku:**

Odredbama člana 172. Poslovnika Zastupničkoga doma Parlamenta Federacije BiH („Sl. novine Federacije BiH", broj 69107,2/08 i 26120), uređeno je pitanje donošenja zakona po skraćenom postupku te je predviđeno da, ako nije u pitanju složen i obiman zakon, podnosilac prijedloga zakona može, umjesto „nacrt" podnijeti prijedlog zakona i predložiti pretresanje istog po skraćenom postupku, bez nacrt zakona. Kako se u ovom slučaju radi o zakonu koji nije složen niti obiman, a cilj predloženih izmjena je omogućavanje njegove jasne, precizne i jednake primjene, bez mogućnosti različitog tumačenja, predlažem donošenje Zakona po skraćenom postupku, u skladu sa članom 172. Poslovnika.

Gradsko vijeće Srebrenika je Odlukom 01-218/21 od 17.05.2021. (u prilogu) usvojilo Inicijativu za donošenje Zakona o dopuni zakona o utvrđivanju naseljenih mjesta i o izmjenama u nazivima naseljenih mjesta u određenim općinama, s kojom se utvrđuje novi naziv naseljenog mjesta Drapnići, koje se izdvaja iz naseljenog mjesta Podorašje.

U skladu sa odredbama člana 159 Poslovnika o radu Predstavničkog doma, Gradsko vijeće se Inicijativom br.: 01-218/2021 od 04.06.2021. (u prilogu) obratilo Predstavničkom domu Parlamenta Federacije. Na 333. sjednici Vlade Federacije, održanoj 06.10.2022. Vlada Federacije je Izjašnjenjem br.: 1394/2022 od 06.10.2022. (u prilogu) prihvatila Inicijativu, pozivajući se na pozitivno izjašnjenje putem Zaključka 02/18-02-1566/21 od 29.07.2021. Odbora za pravdu i opću upravu Predstavničkog doma, imenujući Federalno ministarstvu pravde kao nosioca izrade nacrt zakona.

Na sjednici Predstavničkog doma parlamenta Federacije održanoj 15.03.2023. g. uputio sam Inicijativu Ministarstvu pravde za postupanje po Izjašnjenju Vlade Federacije od 06.10.2022., na što sam dobio odgovor br.: 09-45-925/23 od 27.03.2023.(u prilogu) u kojem Ministarstvo pravde govori kako „Federalno ministarstvo pravde nije zaprimilo Zaključak Predstavničkog doma sa kojim je prihvaćena Inicijativa i kojim je određen način njene realizacije“ tako da su istu odbili.

Kako sam naveo iznad, Vlada ne samo da je spomenutim Izjašnjenjem od 06.10.2022. potvrdila primitak Inicijative, potvrdila je i izjašnjenje Odbora za pravdu i opću upravu, te se pozitivno izjasnila o istoj. Prema tome, nije bilo nikakvog razloga za izbjegavanje djelovanja po istom izjašnjenju od strane Ministarstva pravde. Iz tog razloga upućujem Prijedlog zakona i molim na usvajanje istog, pogotovo što se radi o Zakonu kojeg je jednoglasno podržala jedinica lokalne samouprave, ne podliježe nikakvim finansijskim i drugim potrebama, a ima itekako jasnu i preciznu primjenu.

Prijedlog:

ZAKON O DOPUNAMA ZAKONA O UTVRĐIVANJU NASELJENIH MJESTA I O IZMJENAMA U NAZIVIMA  
NASELJENIH MJESTA U ODREĐENIM OPĆINAMA

Član 1

U Zakonu o utvrđivanju naseljenih mjesta i o izmjenama u nazivima naseljenih mjesta u određenim općinama – Prečišćeni tekst („Službeni list SRBiH“, br.: 24/86, 33/90, i 32/91 i „Službene novine Federacije BiH“ br.: 14/04, 59/05, 68/05, 81/11 i 25/12) (u daljem tekstu: Zakon) u članu 1. stav 1. tačka 4. u Općini Srebrenik, nakon posljednjeg navedenog naseljenog mjesta upisuje se novi naziv naseljenog mjesta „Drapnići“.

Član 2

U članu 2 stav 1. tačka 62. Zakona, iza podtačke a) dodaje se nova podtačka b) koja glasi: „b) utvrđuje se novi naziv naseljenog mjesta „Drapnići“, koje se izdvaja iz naseljenog mjesta Podorašje.“.

Član 3

Gradsko vijeće Grada Srebrenika će u roku od šest mjeseci od dana stupanja na snagu ovog Zakona, uskladiti svoje propise o nazivima i granicama naseljenih mjesta s odredbama ovog zakona.

Član 4

U roku od 30 dana od dana stupanja na snagu ovog Zakona, Federalni zavod za statistiku će, u skladu s Pravilnikom kojim se utvrđuje šifrarski sistem za naseljena mjesta, općine i kantone u Federaciji Bosne i Hercegovine („Službene novine Federacije BiH“, br.: 4/06) dodijeliti šifru za naseljeno mjesto „Drapnići“ u gradu Srebrenik.


Član 5

Ovaj Zakon stupa na snagu narednog dana od dana objave u „Službenim novinama Federacije BiH“.

PREDSJEDAVAJUĆI DOMA NARODA  
DOMA  
PARLAMENTA FEDERACIJE

PREDSJEDAVAJUĆI PREDSTAVNIČKOG  
PARLAMENTA FEDERACIJE

Zastupnik Slaven Raguž



Prilozi uz prijedlog:

29.05.2021.  
a/a

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine F BiH", broj: 49/06 i 51/09) i na osnovu člana 9. Privremene statutarne odluke Grada Srebrenik ("Službeni glasnik Grada Srebrenik", broj: 1/19) a u vezi sa članom 159. Poslovnika o radu Predstavničkog doma Parlamenta Federacije Bosne i Hercegovine ("Službene novine Federacije BiH", broj: 69/07, 2/08 i 26/20), Gradsko vijeće Srebrenik, na 3. sjednici održanoj 17.05.2021. godine, d o n o s i:

### ODLUKU

o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama

#### Član 1.

Usvaja se Inicijativa za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama – Prečišćeni tekst (Službeni list SRBiH", broj: 24/86, 33/90 i 32/91 i „Službene novine Federacije BiH", broj: 14/04, 59/05, 68/05, 81/11 i 25/12).

#### Član 2.

Inicijativa za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama je sastavni dio ove Odluke.

#### Član 3.

Ovlašćuje se Predsjedavajući Gradskog vijeća Srebrenik da potpiše Inicijativu za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama i druge akte u postupku razmatranja ove Inicijative, osim akata za koje je potrebno pribaviti mišljenje ili saglasnost Gradskog vijeća Srebrenik.

Obavezuje se Stručna služba Gradskog vijeća Srebrenik da uputi Inicijativu za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, Predstavničkom domu Parlamentarne skupštine Federacije Bosne i Hercegovine u roku od 8 dana od dana stupanja na snagu ove Odluke.

#### Član 4.

Za realizaciju ove Odluke zadužuje se Stručna služba Gradskog vijeća Srebrenik.

#### Član 5.

Ova Odluka stupa na snagu prvog narednog dana od dana objavljivanja u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
GRADSKO VIJEĆE

Broj: 01-218/21  
Srebrenik, 17.05.2021. godine

PREDSJEDAVAJUĆI  
GRADSKOG VIJEĆA:

Mato Matijević

*Mato Matijević*

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
GRADSKO VIJEĆE

Broj: 01-218/2021  
Srebrenik: 04.06.2021. godine

PREDSTAVNIČKI DOM PARLAMENTA  
FEDERACIJE BOSNE I HERCEGOVINE  
n/r predsjedavajućeg  
Ulica Hamdije Kreševljakovića broj 3  
SARAJEVO

PREDMET: Inicijativa za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, dostavlja se

Na osnovu odredaba člana 159. Poslovnika o radu Predstavničkog doma Parlamenta Federacije Bosne i Hercegovine ("Službene novine Federacije BiH", broj:69/07, 2/08 i 26/20), Gradsko vijeće Srebrenik o d n o s i:

#### INICIJATIVU

Za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama - Prečišćeni tekst (Službeni list SRBiH", broj: 24/86, 33/90 i 32/91 i „Službene novine Federacije BiH", broj: 14/04, 59/05, 68/05, 81/11 i 25/12).

#### ZAKON O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA

##### Član 1.

U Zakonu o utvrđivanju naseljenih mjesta i o izmjenama u nazivima naseljenih mjesta u određenim općinama – Prečišćeni tekst („Službeni list SRBiH“, br. 24/86, 33/90 i 32/91 i „Službene novine Federacije BiH“, br. 14/04 , 59/05, 68/05, 81/11 i 25/12) (u daljem tekstu: Zakon) u članu 1, stav 1.tačka 4. u Općini Srebrenik, nakon posljednjeg navedenog naseljenog mjesta upisuje se novi naziv naseljenog mjesta „Drapnići“

##### Član 2.

U članu 2. stav 1. tačka 62. Zakona, iza podtačke a) dodaje se nova podtačka b) koja glasi: „b) utvrđuje se novi naziv naseljenog mjesta „Drapnići“, koje se izdvaja iz naseljenog mjesta Podorašje.“.

##### Član 3.

Gradsko vijeće Grada Srebrenik će u roku od šest mjeseci od dana stupanja na snagu ovog Zakona, uskladiti svoje propise o nazivima i granicama naseljenih mjesta s odredbama ovog Zakona.



#### Član 4.

U roku od 30 (trideset) dana od dana stupanja na snagu ovog Zakona, Federalni zavod za statistiku će u skladu sa Pravilnikom kojim se utvrđuje šifarski sistem za naseljena mjesta, općine i kantone u Federaciji Bosne i Hercegovine („Službene novine Federacije BiH“, broj: 406) dodijeliti šifru za naseljeno mjesto „DRAPNIČI“ u Gradu Srebrenik.

#### Član 5.

Ovaj zakon stupa na snagu narednog dana od dana objave u „Službenim novinama Federacije BiH“.

PREDSJEDAVAJUĆA DOMA NARODA  
PARLAMENTA FEDERACIJE BIH

PREDSJEDAVAJUĆI PREDSTAVNIČKOG  
DOMA PARLAMENTA FEDERACIJE BIH

### O B R A Z L O Ž E N J E

Zakonom o utvrđivanju naseljenih mjesta i o izmjenama u nazivima naseljenih mjesta u određenim općinama – Prečišćeni tekst (Službeni list SRBiH, broj: 24/86, 33/90 i 32/91 i „Službene novine Federacije BiH“, broj: 14/04, 59/05, 68/05, 81/11 i 25/12) utvrđeni su nazivi naseljenih mjesta u općinama u Federaciji Bosne i Hercegovine.

Predsjedavajući Gradskog vijeća Srebrenik Anto Marković, je podnio na 8. sjednici Gradskog vijeća Srebrenik, održanoj 01.10.2020. godine, Incijativu za donošenje odgovarajućih akata od strane Vijeća za pokretanje procedure utvrđivanja zakonom naseljenog mjesta Drapnići. U incijativi se navodi da u sklopu MZ Podorašje, Grad Srebrenik, već duže vrijeme egzistira naselje Drapnići, koje je u potpunosti naseljeno stanovnicima hrvatske nacionalnosti. Posljednjih godina među mještanima Drapnića rodila se ideja da se pokrene incijativa prema Općinskom/Gradskom vijeću Srebrenik, kako bi se pripremili i usvojili potrebni akti (Zaključci i Odluke) te kako bi se, u konačnici, uputila prema Predstavničkom domu Parlamenta Federacije BiH Incijativa za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama – Prečišćeni tekst („Službeni list SRBiH“, br. 24/86, 33/90 i 32/91 i „Službene novine Federacije BiH“, br. 14/04, 59/05, 68/05, 81/11 i 25/12), kojim bi se u Općini/Gradu Srebrenik, iza zadnjeg postojećeg naseljenog mjesta Čojlučko Polje, dodalo novo naseljeno mjesto „Drapnići“. Kao potvrdu iskazane volje velike većine stanovnika naselja Drapnića priložen je i spisak lica koja su se svojim potpisom izjasnila da podržavaju ovu incijativu. Sa predstavnicima MZ Podorašje nema problema oko uspostave buduće granice između ova dva naselja jer su te granice nesporne i oduvijek poznate.

Kao argument je navedena i činjenica da je nakon završetka Drugog svjetskog rata, donošenjem odgovarajućih zakona o podjeli teritorija NR BiH na srezove, gradove i opštine, pa sve do šezdesetih godina prošlog vijeka naselje Drapnići bilo priznato kao naseljeno mjesto prvo u općini/opštini Tinja, pa općini/opštini Podorašje i na kraju općini/opštini Srebrenik.

Provjerom u arhivi je utvrđeno da su se:

-Drapnići kao naseljeno mjesto 1952. godine, kada je donesen Zakon o podjeli teritorije NR Bosne i Hercegovine na srezove, gradove i opštine („Sl. list NRBiH“, br. 11/52), nalazili u sklopu Sreza Tuzlanskog, u sklopu opštine Tinja, sa sjedištem narodnog odbora opštine u Tinji;

-Drapnići kao naseljeno mjesto 1955. godine, kada je donesen Ukaz o proglašenju Zakona o području srezova i općina u Narodnoj republici Bosni i Hercegovini, koji je usvojila Narodna skupština NR BiH 12.7.1955 („Sl. list NRBiH“, br. 17/55), nalazili u sklopu Sreza Tuzla, u

sklopu opštine Podorašje, sa sjedištem narodnog odbora opštine u Podorašju;

-Drapnići kao naseljeno mjesto 1958. godine, kada je donesen Zakon o proglašenju Zakona o izmjenama i dopunama Zakona o području srezova i opština u NR Bosni i Hercegovini („Sl. list NRBiH“, br. 23/58), nalazili u sklopu Sreza Tuzla, u sklopu opštine Srebrenik, sa sjedištem narodnog odbora opštine u Srebreniku;

U periodu nakon 1958. godine (ne posjedujemo tačne podatke od kada) Drapnići su prestali biti naseljeno mjesto u sklopu opštine Srebrenik i tako je do današnjeg dana.

Nakon pribavljanja stava gradonačelnika i stava radnih tijela Gradskog vijeća Srebrenik po podnesenoj Inicijativi vijećnika, u tom momentu, Predsjedavajućeg Gradskog vijeća Srebrenik gospodina Ante Markovića, Gradsko vijeće Srebrenik na 8. sjednici Gradskog vijeća Srebrenik, održanoj 01.10.2020. godine, razmatralo je navedenu Inicijativu, te nakon rasprave donijelo Zaključak o prihvatanju inicijative broj: 01-475/20 od 01.10.2020. godine („Službeni glasnik Grada Srebrenik“, broj: 7/20). Navedenim Zaključkom Gradsko vijeće Srebrenik prihvata Inicijativu Predsjedavajućeg Gradskog vijeća Srebrenik gospodina Ante Markovića za donošenje odgovarajućih akata od strane Vijeća za pokretanje procedure utvrđivanja zakonom naseljenog mjesta Drapnići, kao i drugih naselja odnosno naseljenih mjesta na području Grada Srebrenik, koja nisu važećim Zakonom utvrđena kao naseljena mjesta i zadužilo gradonačelnika i nadležnegradske službe za upravu da pripreme akte za realizaciju predmetne inicijative.

U skladu sa podnesnom Inicijativom vijećnika, u tom momentu, Predsjedavajućeg Gradskog vijeća Srebrenik gospodina Ante Markovića i zaključkom Gradskog vijeća Srebrenik broj: 01-475/20 od 01.10.2020. godine, Gradsko vijeće Srebrenik je na svojoj 3. sjednici održanoj 17.05.2021. godine donijelo Odluku o usvajanju Inicijative za donošenje Zakona o dopuni Zakona o utvrđivanju naseljenih mjesta i izmjenama u nazivima naseljenih mjesta u određenim općinama, čiji je sastavni dio Inicijativa za donošenje Zakona o dopuni Zakona o utvrđivanju naseljenih mjesta i izmjenama u nazivima naseljenih mjesta u određenim općinama („Službeni glasnik Grada Srebrenik“, broj: 6/21). Na osnovu svega navedenog i iznesenih razloga podnosimo ovu Inicijativu.


S poštovanjem.

Dostavljeno:

1. Naslovu,
2. U spis.

Prilozi:

- Inicijativa Ante Markovića, vijećnika Gradskog vijeća Srebrenik,
- Spisak stanovnika Drapnići,
- Zaključak Gradskog vijeća Srebrenik broj: 01-475/20 od 01.10.2020. godine
- Odluka o usvajanju Inicijative za donošenje Zakona o dopuni Zakona o utvrđivanju naseljenih mjesta i izmjenama u nazivima naseljenih mjesta u određenim općinama broj: 01-218/21 od 17.05.2021. godine



PREDSJEDAVAJUĆI  
GRADSKOG VIJEĆA :

Mato Matijević

BOSNA I HERCEGOVINA  
FEDERACIJA BOSNE I HERCEGOVINE  
VLADA

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ВЛАДА

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT

Na temelju članka 51. Poslovnika o radu Vlade Federacije Bosne i Hercegovine - Pređšćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u svezi sa člankom 160. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), nakon razmatranja Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, koju je podnijelo Gradsko vijeće Grada Srebrenik, Vlada Federacije Bosne i Hercegovine je, na prijedlog Federalnog ministarstva pravde, na 333. sjednici održanoj 06. listopada 2022. godine, utvrdila sljedeće

### IZJAŠNJENJE

U konkretnom slučaju u dostavljenoj Inicijativi za izradu i donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, broj: 01-02-1316/21 od 30.06.2021. godine, ističe se da je na inicijativu mještana naselja Drapnići, koje se nalazi u sastavu Podorašja, kao jedinice mjesne samouprave Grada Srebrenik, Gradsko vijeće Grada Srebrenika je, dana 17.05.2021. godine, donijelo Odluku o usvajanju navedene inicijative, akt broj: 01-218/21 od 17.05.2021. godine. Navedena Odluka Gradskog vijeća je dostavljena Zastupničkom domu Parlamenta Federacije Bosne i Hercegovine, povodom koje se očitovao Odbor za pravdu i opću upravu Zastupničkog doma - Zaključak broj: 02/18-02-1566/21 od 29.07.2021. godine, prema kojem Zaključku je Inicijativa Gradskog vijeća Srebrenik u skladu sa ustavnim i zakonskim odredbama.

U skladu sa navedenim, Vlada Federacije Bosne i Hercegovine prihvata Inicijativu, te određuje Federalno ministarstvo pravde za nositelja izrade nacrtu zakona.

V. broj: 1394/2022  
06. listopada 2022. godine  
Sarajevo

PREMIJER

Fadil Novalić